

Abonnement pour un an:

300 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

15 Juillet 1925—No 183

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]

تورکیا ایچون ۲ ، خارج ایچون

۳ ، اعلا کاغذلیسی ۵ لیرادر .

ادارہ خانہ سی

جفال اوغلندہ « اجتهاد ٹہوی »

تلفون : استانبول ۸۶۵

یکرمنجی سنہ

نومرو ۱۸۳ - ۱ تموز ۱۹۲۵

چيقان (اجتهاد) نسخه‌لرينه تفرقه و درج ايدلمشدي ، محترم باش وکيل عصمت پاشا :

« شمدی‌یه قادر پک جوق شیر پاپلمش اولایلیر فقط بونلرک هپسی ملتک بذیه‌سند و وطنک سینه‌سند وجوده کتیر یله‌سی لازم کلن انکشاف ایچون آتجاق رابتدادن عبارت در »

سوزیله مطلقاً بونوع مآثری‌ده مراد ایتشاردر .

بزم نهرلرمز ، باغچه‌لرمز بزم هراحتیاجری تأمین ویزی ماده و معناً الك قوتلی ملتک حذاسته اعلا ایده‌جک درجه‌ده‌در و بواعتلا بولنه کیرمه‌یه عزم و قرارمز کالده‌در ۲۸ حزیران ۱۹۲۵ هکملی آله — عبدالله جودت

کوچوک خاطرهلر

سینوب

۶

= ارسلان واپوری =

سینوبدن اینه‌بولی طریقه‌یه قسطنطنیه عودت ایده‌جکم کون لیانده اوچ واپور وازدی .

عثمانلی ، روس ونمسه . روسیه قونسولوسی محکم موسیو سوخته‌تین ، روس قومپانیاسی واپوریه کیدرسیم هر صورتله اسباب استراحتک تأمیننی قاپدانه صورت مخصوصه‌ده توصیه ایده‌جکنی سویله‌دی .

یابنده بر عثمانلی واپوری وارکن بر اجنبی واپورینی ترجیح ایتیمکی ، علی‌الخصوص بی تشییع ایده‌جک‌ذواتک عثمانلی واپورینی کوره ، کوره روس واپورینه کللمیری غیرت‌ملیه ایله تجویز ایده‌مه‌دیکم ایچون موسیو سوخته‌تینه روس واپورینک اوکون کله‌جکنی دوشونه‌مدیکمدن اولجه عثمانلی واپورندن بر قماره طوتودردیغمی سویله‌یه‌رک تکلیفی مع‌الاعتذار والتشکر رد ایتیم ایدم .

ترجیح ایتدیکم عثمانلی واپوری و قتيله بر انگلیز سفینه‌سی ایکن خلی یاشلانوب نامنه یاراشان قوت و متانتی اضاعه ایتدکن صوکرا بزه صاتلمش و (ارسلان) تسمیه یاخود واپورک هر طرفنده ارسلان رسملری بولندیغه کوره انگلیزجه اسمی تورکجه‌یه ترجمه ایدلمش کوزلجه

بر واپور ایدی . اختیار ارسلان سینوب لیانندن حرکتندن براییک ساعت صوکرا بیلمم نره‌سند بر دن بره حادث اولان سقطلنی تعمیر ایچون بر جوق ساعندن زیاده یولندن قالمش ایدی . برنجی قماره‌لرده بندن ، غالباً مصطفی بک نامنده قصیرالقامه و یاشلیجه برنجی قاپدان دن باشقه کیمسه وقماره‌لرده وسائط تسبیخه‌دن برشی یوقدی ده‌کز ساکن ، فقط هوا پک صوغوقدی . سالونده کی کومور صوباسی مختلف یرلرندن لاینقطع توتیور و چیقان دومانلر پرسکون بر سحر بولوتلری کبی صالونک لوش آفاقده یواش یواش یوزبورلردی . بودومانلرک بالتدریج آرتان کثافتلری ، ذاتاً پک قوتسز یانان برتک پترول لامباسنک ضیاسنی بوغدینی ایچون سالونده لامبانک اطراف قریبه‌سنه تصادف ایدن شیردن باشقه برشی کوروله‌مه‌مه‌ک باشلامش ایدی . صوبانک یانه قارشی قارشی‌یه اوتوردیغمز قاپدان بابا زیاده‌جه ایچدیکی راقینک ویردیکی حرارت موخته آزالدیجه صوبایه داها زیاده یاقلاشیوردی .

ارکلی کومورینک قیرمزی آل‌ولری قارشیدسند صوغان رنکی باغلایان سیاسی ، خطوط وجهیه‌ده حاصل اولان سرت کولکه چیزکیلری داها زیاده بوروشوق کوستریور ، قیرساقالی بر قورو صوغان کوکلی شکلنده قیوریلوب طوبلانیور ، وسانکه آغزینک ایچنی‌ده صوبادن ایصیتق ایسته‌یور کبی لاینقطع آسنه‌یوب دوریوردی . اونک آسنه‌مکدن سوز سویله‌مه‌ک وقتی ونم سویله . جکلرمی آ کلامغه اویوشوق دماغنک قابلیت اولمادیغندن یکدیگر مزه ثقلت بخش اولمده بولندیغمزده شبهه یوقدی . « مساعده‌کنزه یاتاجم » دیدم و قالقوب قماره‌مه کیردم . بندن بر آرزو کرا برنجی قاپدان ده‌قماره‌سنه چکلمش ایدی . آرادن یاریم ساعت قادار سیله بر زمان کچمکسزین قاپدان بابانک قره‌دکیز قادار درین بر اویقویه دالیدی ، مذبوح برماندا خرخره‌سنه مشابه بر خیریلنی باشلامه‌سندن آ کلامشدم .

واپور پروانه‌سنک مطرد کورلتیلرینه غلبه ایدن بوخیرلتیار آراسنده اویومق ممکن دکادی . صوباسوندیکی ایچون یاتاقی بطنانه‌سنه بزم پالطو وموشامبایی ده علاوه ایدرک بونلرک آلتینده‌کندی نفسله ایصینه‌مه چالیشمق

